



Pou Piblikasyon Imedya: 11/02/2022

GOUVÈNÈ KATHY HOCHUL

GOUVÈNÈ HOCHUL ANONSE KÒMANSMAN KONSTRIKSYON PREMYE PWOJÈ ENÈJI EWOLYÈN OLAJ ZÒN KOT NEW YORK LA

*Pwojè South Fork Wind pral lanse endistri enèji ewolyèn olaj zòn kot New York la,
bay enèji pwòp nan Long Island*

Sipòte objektif Lwa sou Lidèchip Klimatik ak Pwoteksyon Kominotè a pou devlope omwen 9,000 megawat enèji ewolyèn olaj zòn kot disi 2035

Gouvènè Kathy Hochul jodi a, ansanm ak Sekretè Enteryè Etazini an, Deb Haaland ak lòt ofisyèl eli yo, te selebre kòmansman konstriksyon South Fork Wind, ki se premye pwojè enèji ewolyèn olaj zòn kot nan New York, ke Ørsted ak Eversource devlope konjwentman olaj kot Long Island lan. Bati sou piblikasyon an janvye Biwo Jesyon Enèji Oseyan (Bureau of Ocean Energy Management, BOEM) nan [Avi Vant Final pou New York Bight](#), resan [etap kle nan kontra enèji ewolyèn olaj zòn kot la](#), ak [Diskou sou Sitiyasyon Eta](#) nan kad yon envestisman 500 milyon dola k ap mennen nan nasyon an nan pò enèji ewolyèn olaj zòn kot, fabrikasyon, ak enfrastrikti chèn apwovizyonman pou akonpanye pwochèn demann enèji ewolyèn olaj zòn kot New York la, New York avanse objektif Lwa sou Lidèchip Klima ak Pwoteksyon Kominotè (Climate Leadership and Community Protection Act, CLCPA) a pou devlope 9,000 megawat enèji ewolyèn olaj zòn kot disi 2035.

"Enpak difisil ak reyalite ki koute chè chanjman klimatik yo twò familye nan Long Island, men jodi a pandan n ap kòmanse premye pwojè enèji ewolyèn olaj zòn kot New York la, n ap respekte yon pwomès nan direksyon yon chemen ki pi pwòp, ki pi vèt ki pral benefisyé jenerasyon k ap vini yo", **Gouvènè Hochul te deklare**. "South Fork Wind pral elimine jiska sis milyon tòn emisyon kabòn pandan vennsenk pwochèn ane yo, sa k ap benefisyé non sèlman Empire State la, men nasyon nou an toutantye. Pwojè sa a pral kreye tou plizyè santèn djòb ki byen peye, sa k ap ede ankouraje kwasans ekonomik atravè rejon an pandan n ap kontinye retabli anba COVID-19. Sa a se yon jou istorik pou New York, epi mwen pa ka tann pou mwen kontinye travay ak Sekretè Haaland pandan n ap mennen nasyon nou an nan yon avni ki pi vèt, ki pi briyan pou tout moun."

Sekretè Depatman Enteryè Etazini an, Deb Haaland, te deklare, "Tranzisyon enèji pwòp Etazini an se pa yon rèv pou yon avni byen lwen - l ap akonpli isit la epi kounye a. Enèji ewolyèn olaj zòn kot pral alimante kominote nou yo, avanse objektif jistis

anviwònmantal nou yo, epi ankouraje ekonomi nou an lè li kreye plizyè milye djòb sendika ki byen peye atravè nasyon an. Sa a se youn nan anpil mezi n ap pran pou pouswiv objektif Prezidan an pou amelyore lavi alafwa fanmi Ameriken yo ak sante planèt nou an."

Gouvènè a, ki te fè anons jodi a nan Wainscott, te selebre South Fork Wind k ap kòmanse jenerasyon enèji ewolyèn olaj zòn kot New York lè li te vin operasyonèl nan fen 2023. South Fork Wind pral youn nan premye pwojè enèji ewolyèn olaj zòn kot nan echèl komèsyal ki kòmanse operasyon an Amerik Dinò. Chwazi nan kad yon demann pou pwopozisyon Otorite Enèji Long Island (Long Island Power Authority, LIPA) an 2015 pou adrese bezwen kouran k ap ogmante nan ekstremite lès Long Island, pwojè a pral lokalize apeprè nan 52 km nan lès Montauk Point ak 12 tibin Siemens-Gamesa li yo ki gen yon kapasite 11 MW pral jenere apeprè 130 megawatt enèji - sa ki ase pou alimante plis pase 70,000 kay. Sistèm transmisyon li a pral distribiye enèji pwòp dirèkteman nan rezo elektrik la nan Vil East Hampton. Sou yon peryòd 25 ane, South Fork Wind prevwa eliminate jiska sis milyon tòn emisyon kabòn, oswa ekivalan si w retire 60,000 machin sou wout la chak ane.

Doreen M. Harris, Prezidan & Direktè Egzekitif Jeneral, NYSERDA a, te deklare, "Avèk konstriksyon k ap kòmanse nan pwojè South Fork Wind lan, n ap solidifye vizyon enèji pwòp Eta New York epi n ap plani yon chemen pandan n ap dirije nasyon an nan devlopman enèji ewolyèn olaj zòn kot. Kòm premye pwojè enèji ewolyèn olaj zòn kot eta nou an, South Fork ap ede inogire rezo alavni an pandan New York ap kontinye bati pwojè enèji ewolyèn olaj zòn kot ak chèn ekipman ki pi solid nan nasyon an, sa k ap ranfòse devlopman mendèv ak patenarya ak travayè pou bay yon filyè talan pou pwojè empòtan sa yo, epi etabli ekonomi vèt la ki pral alimante New York pou ane k ap vini yo."

Direktè Egzekitif Jeneral Otorite Enèji Long Island lan, Thomas Falcone, te dedlare, "An 2017, apwòch avanse Konsèy Administrasyon LIPA a te mennen nan apwobasyon pwojè South Fork Wind lan nan yon moman kote pa te gen okenn lòt akò pou achta enèji pou enèji ewolyèn olaj zòn kot nan peyi a. Antanke premye fèm enèji ewolyèn olaj zòn kot nan New York, South Fork Wind se kòmansman yon nouvo endistri pou rejon nou an ki pral empòtan anpil pou New York atenn objektif li genyen ki se yon rezo elektrik zewo kabòn disi 2040."

Komisè Depatman Prezèvasyon Anviwònman an (Department of Environmental Conservation, DEC) a, Basil Seggos te deklare, "New York ap trase yon egzanp pou nasyon an nan eksplwate potansyèl enèji ewolyèn olaj zòn kot pou ede satisfè bezwen enèji nou yo pandan eta a ap tranzisyone nan direksyon yon avni enèji ki pi pwòp, ki pi vèt. South Fork Wind se yon pwojè eksitan ak transfòmatif ki pral ede reyalize objektif anbisye eta nou an pou redwi emisyon gaz ki lakòz efè tèmik ak ogmante sous enèji renouvlab pandan y ap pwoteje resous natirèl nou yo epi mennen nouvo opòtinite ekonomik isit la nan Long Island ak atravè eta a."

Sekretè Eta Pwovizwa, Robert J. Rodriguez, te deklare, "Inogirasyon South Fork Wind lan se yon etap empòtan ki istorik pou endistri enèji ewolyèn olaj zòn kot New York

la ak pou tout Nouyòkè nan kad efò nou pou abòde chanjman klimatik la. Depatman Deta (Department of State, DOS) kontinye travay avèk moun ki gen enterè nou yo ak patnè gouvènmantal yo pou minimize enpak potansyèl pwojè yo epi evite ripti nan ekonomi kotyè nou an pandan n ap tranzisyone nan direksyon yon avni ki pi pwòp, ki pi vèt. Atravè efò konbine nou yo, Nouyòkè yo pral kontinye jwi plaj primitif Long Island yo ak resous oseyan rich yo olaj Eta nou an pandan n ap diminye anprent kabòn Eta a."

Komisè Depatman Travay Eta New York la, Roberta Reardon, te deklare, "Eta enpòtan sa a solidifye lidèchip mondal New York nan ekonomi pwòp la. Fondasyon nou poze jodi a ap kreye nouvo opòtinite travay enteresan pou Nouyòkè yo pandan y ap pwoteje anviwònman nou an pou jenerasyon k ap vini yo. Antanke Ko-prezidan Gwoup Travay pou Tranzisyon Jis (Just Transition Working Group) la, mwen remèsye Gouvènè Hochul poutèt l ap mennen bak la ak pou angajman san fen li pou asire enklizyon kominote defavorize yo nan mouvman sa a."

Prezidan Komisyon Fonksyon Piblik la Rory M. Christian te deklare, "Pwojè South Fork la pral jwe yon wòl kle nan devlope enèji pwòp ki nesesè anpil pou Eta New York epi l ap ede New York reyalize objektif enèji renouvlab li a k pa mennen nan nasyon an pandan l ap kreye travay ak opòtinite pou moun yo ak endistri yo. South Fork se yon viktwa pou Long Island, ak yon viktwa pou tout Nouyòkè yo."

Komisè Biwo Sèvis Jeneral (Office of General Services, OGS) la, Jeanette Moy, te deklare, "Kòmansman premye pwojè enèji ewolyèn olaj zòn kot la nan Eta New York demontre gwo angajman Gouvènè Hochul pou li rankontre defi dirabilite yo epi asire avni New York vèt. OGS fyè dèske li jwe yon wòl nan pwojè South Fork Wind lan ak nan avanse inisyativ Eta a pou klima ak enèji vèt k ap avanse a."

Komisè Pwovizwa, Prezidan & Direktè Egzekitif Jeneral yo nonmen pou Empire State Development lan, Hope Knight te deklare, "Enèji ewolyèn olaj zòn kot la enpòtan anpil pou alimente yon ekonomi vèt ak pou ankouraje opòtinite ekonomik dirab. Kòmanse konstriksyon nan premye pwojè enèji ewolyèn olaj zòn kot Eta New York la nan South Fork Wind vle di yon etap enpòtan nan direksyon pou atenn objektif enèji pwòp ak kreye djòb vèt, ki fè avanse misyon Empire State Development lan pou prepare ekonomi nou an pou lavni. Avèk anons jodi a, Eta New York pral kontinye rete lidè nan batay kont chanjman klimatik la pandan n ap ranfòse pozisyon nou nan fabrikasyon enèji ewolyèn olaj zòn kot."

Etap sa a vini apre apwobasyon BOEM mwa pase a nan [Plan Konstriksyon ak Operasyon \(Construction and Operations Plan, COP\)](#) pwojè a COP la esplike espas turbin yon kilomèt maren pwojè a, egzijans sou metodoloji konstriksyon pou tout travay k ap fèt nan dlo oseyan federal yo, ak mezi rediksyon pou pwoteje abita ak espès maren yo. Apwobasyon final BOEM pou COP la vini apre piblikasyon ajans lan an novanm 2021 nan Kont Randi Desizyon (Record of Decision, ROD) an, ki te konkli revizyon anviwònmantal apwofondi pwojè a ki dirije pa BOEM.

Senatè Todd Kaminsky te deklare, "Anons jodi a ede solidifye New York kòm yon lidè nan ekonomi vèt la. CLCPA te fikse objektif ki pi agresif yo nan peyi a epi enèji ewolyèn olaj zòn kot nan Long Island esansyèl pou atenn yo. Pwojè sa a se yon katalis e li montre ke ou ka panse gwo epi reyalize li nan Long Island."

Manm Asanble Steve Englebright, te deklare, "Pwojè South Fork Wind lan se yon premye etap kle nan angajman eta nou an pran pou diminye gaz ki lakòz efè sè ak pou reponn ak defi chanjman klimatik la. Mwen bat bravo pou vizyon ak detèminasyon Gouvènè Hochul pou avanse ak amelyore pòtfolyo enèji ewolyèn olaj zòn kot renouvlab New York la."

Manm Asanble Fred Thiele te deklare, "Mwen fyè pou m di ke Long Island se yon pyonye emèjan nan enèji renouvlab epi byento li pral dirije eta a ak nasyon an nan pwodiksyon enèji ewolyèn olaj zòn kot. South Fork Wind Farm ouvri yon nouvo chapit enteresan pou nou isit la nan East End, e mwen espere byento gen yon rezo ki pi vèt ki alimante pa envestisman istorik sa a. Mwen remèsyse Gouvènè Hochul pou lidèchip ak sipò kontinyèl li."

Chèf Egzekitif Konte Suffolk la, Steve Bellone, te deklare, "Long Island se déjà yon lidè nan domèn enèji pwòp, epi pandan n ap kòmanse konstriksyon premye fèm ewolyèn New York la, n ap chanje fason n ap alimante kay ak biznis nou yo isit la nan Suffolk. Pwojè istorik sa a, ki mete Konte Suffolk nan kè endistri enèji ewolyèn olaj zòn kot la epi ki pral alimante apeprè 70,000 kay, se yon gwo viktwa pou ekonomi nou an, pou mendèv, ak pou anviwònman nou an pandan nou rete angaje nan abòde enpak chanjman klimatik la sou rejyon nou an."

Sipèvizè Vil Southampton Ian, Peter Van Scoyoc, te deklare, "An 2014 East Hampton te premye minisipalite nan New York ki te adopte yon objektif enèji renouvlab 100%. Jodi a, ak kòmansman konstriksyon premye fèm enèji ewolyèn olaj zòn kot New York la, nou trè prè pou nou atenn objektif sa a. Nou bat bravo pou envestisman Gouvènè Hochul la k ap mennen nan nasyon an nan enèji ewolyèn olaj zòn kot ki mete New York alatèt efò peyi nou an ap fè pou konbat chanjman klimatik la."

Prezidant Lig Konsèvasyon Votè New York (New York League of Conservation Voters), Julie Tighe, te deklare, "Jodi a, n ap deplase soti nan konsèp pou pase nan reyalite ak inogirasyon South Fork Wind Farm lan, k se premye pwojè enèji ewolyèn olaj zòn kot New York. Felisitasyon pou Ørsted ak Eversource! Jounen sa a se akimilasyon anpil ane pèseverans pou lanse pwojè sa a ak nouvo endistri ki pral chanje fason nou alimante ekonomi nou an. Nou gen anpil wout pou franchi pou nou atenn objektif klimatik nou yo, men gwo envestisman tankou sa a ansanm ak lidèchip ak angajman Gouvènè Hochul, Sekretè Haaland, ak Direktè BOEM Lefton ap mete nou sou wout pou yon revolisyon enèji pwòp."

David Hardy, Direktè Egzekitif Jeneral, Ørsted Offshore North America a, te deklare, "Ak kòmansman konstriksyon premye fèm enèji ewolyèn olaj zòn kot New York la, nou kontinye akonpli vizyon nou sou yon nouvo endistri enèjetik Etazini ki pral jenere

enèji pwòp, travay, ak opòtinite ekonomik. Mwen rekonesan pou anpil chanpyon ki te sipòte South Fork Wind pou mennen nou nan moman enpòtan sa a, ak pou lidèchip Administrasyon Biden ak lidèchip ak angajman New York nan endistri enèji ewolyèn olaj zòn kot la."

Prezidan & Direktè Egzekitif Jeneral Eversource Energy a, Joe Nolan, te deklare, "Jodi a, nou fè listwa pandan n ap selebre kòmansman konstriksyon premye fèm enèji ewolyèn olaj zòn kot New York la. Antanke ekspè lokal nan transmisyon enèji reyjonal, nou deja trase wout la pou plizyè pwojè enfrastrikti, men jodi a, nou komemore yon bagay ki totalman nouvo ak diferan. Pou premye fwa, nou pral pwofite ekspètiz nou an pou pwofite gwo potansyèl enèji ewolyèn olaj zòn kot ki pa eksplwate."

Prezidan Konsèy Metye Batiman ak Konstriksyon Nassau Suffolk la, Marty Aracich, te deklare, "Kòmanse faz konstriksyon pou Enèji Ewolyèn Olaj Zòn Kot la make yon nouvo épòk nan atenn objektif Eta New York pou diminye emisyon yo yon fason sinifikatif. Metye kalifye yo gen yon wòl pou jwen lè yo lanse konstriksyon an pandan y ap aplike dènye etap kous relè sa a epi pozisyone NYS pou li renye an mèt otou Eastern Seaboard (Bòdmè Lès) la nan konbat chanjman klimatik la. Vizyon ak angajman pataje Gouvènè Hochul la ak NYSERDA amelyore alyans Ørsted/Eversource ak Sendika Metye Batiman Amerik Dinò a. Eta New York rete konsantre sou bay opòtinite ki pral kreye yon mendèv lokal k ap mennen nan yon avni ki pi briyan, pi pwòp pou jenerasyon k ap vini yo. Mèsi anpil Gouvènè Hochul, Sekretè Enteryè a Deb Harland, Amanda Lefton, Doreen Harris, ak patnè nou yo nan Mendèv la paske yo founi lidèchip ak yon bousòl moral k ap mennen tè a sou yon chemen pou geri tèt li."

Prezidan Federasyon Mendèv Long Island (Long Island Federation of Labor) Ian, AFL-CIO, John R. Durso, te deklare, "Sa se yon viktwa pou Long Island ak tout Nouyòkè yo. Sa a se non sèlman yon etap enpòtan nan batay kont chanjman klimatik la, men li vle di travay ak nouvo resous enèji pwòp nan Long Island kote yo bezwen li pi plis. Apre anpil ane travay di nan planifikasyon ak devlopman pa Ørsted ak Eversource, ak sipò travayè ak alye kominotè yo, nou reyalize siksè nou tout t ap tann la."

South Fork Wind pral konstwi dapre akò travay pwojè k ap mennen nan endistri a ak patenarya espesifik ak òganizasyon sendika lokal yo, pou asire patisipasyon travayè sendika lokal yo nan tout faz konstriksyon nan pwojè a. Aktivite konstriksyon tèrèς pou sistèm rezo konduit soutèren pwojè a ak etablisman entèkoneksyon an se premye eleman ki kòmanse epi yo pral fè apèl ak mendèv konstriksyon ki soti nan biwo anbochaj sendika lokal yo. Ørsted ak Eversource te rive jwenn dispozisyon ak pwoteksyon sa yo nan travay kole ak yon seri òganizasyo ak ekspè ekstèn, yon angajman konpayi yo pote bay tout relasyon moun ki gen enterè yo pou sipòte ko-egzistans.

Yo te chwazi kontraktè ki baze nan Long Island Ian, Haugland Energy Group LLC (yon afilye Haugland Group LLC) pou enstale sistèm rezo konduit la pou liy transmisyon tèrèς soutèren pwojè a epi mennen konstriksyon etablisman entèkoneksyon tèrèς la ki sitiye nan East Hampton. Akò sa a pral kreye plis pase 100 djòb sendika pou travayè

pwofesyonèl ki kalifye nan Long Island yo, tankou operatè ekipman lou yo, elektrisyen yo, travayè liy yo, ak chofè livrezon lokal yo ki pral sipòte transpò materyèl nan sit pwojè a. Faktori soustasyon olaj pwojè a déjà sou pye.

Eta New York gen senk pwojè enèji ewolyen sou lanmè ki nan devlopman aktif, ki se pi gwo pòtfolyo nan nasyon an. Pòtfolyo aktyèl sa a totalize plis pase 4,300 megawat epi li pral alimante plis pase 2.4 milyon kay New York, epi li prevwa pote yon enpak ekonomik kombine ki evalye a 12.1 milya dola nan eta a. Yo prevwa pwojè yo tou pral kreye plis pase 6,800 djòb nan devlopman pwojè, fabrikasyon eleman, enstalasyon, ak operasyon ak antretyen. Atenn objektif 9,000 megawat Eta a disi 2035 pral jenere ase enèji ewolyen sou lanmè pou alimante apeprè 30 pousan bezwen elektrisite Eta New York, ki ekivalan a prèske 6 milyon kay Eta New York, epi ankouraje apeprè 10,000 djòb.

Plan Klimatik Nasyonal Eta New York ki Alatèt Peyi a

Ajanda nasyonal sou klima Eta New York la se inisyativ sou klima ak enèji pwòp ki pi agresif nan peyi a, ki mande yon tranzisyon òdone epi ki ekitab nan enèji pwòp ki kreye travay epi ki kontinye ankouraje yon ekonomi ekologik pandan Eta New York ap retabli anba pandemi COVID-19 la. Enskri nan lwa atravè Lwa sou Lidèchip Klimatik ak Pwoteksyon Kominotè a, New York sou yon chemen pou reyalize objektif mandate li a nan yon sektè elektrisite zewo emisyon rive 2040, ki gen ladan 70 pousan jenerasyon enèji renouvlab rive 2030, ak pou atenn netralite kabòn nan tout ekonomi an. Li chita sou envestisman san presedan New York pou devlope enèji pwòp yo, ki enkli plis pase 33 milya dola nan 102 pwojè enèji renouvlab ak transmisyon ki fèt sou gran echèl nan eta a, 6.8 milya dola pou redui emisyon batiman yo, 1.8 milya pou devlope enèji solè, plis pase 1 milya dola pou inisyativ transpò pwòp ak plis pase 1.6 milya dola nan angajman NY Green Bank yo. Mete ansanm, envestisman sa yo pèmèt kenbe prèske 158,000 travay nan sektè enèji pwòp la nan New York an 2020, yon kwasans 2,100 pousan nan sektè enèji solè a ki distribiye depi 2011 ak yon angajman pou devlope 9,000 megawat enèji ewolyèn sou lanmè a disi 2035. Selon lwa sou Klima a, New York pral apiye sou pwogrè sa a epi diminye emisyon gaz efè sè yo pou 85 pousan pa rapò ak nivo 1990 yo lè nou rive nan 2050 pandan y ap asire ke omwen 35 pousan avèk yon objektif 40 pousan nan avantaj ki genyen nan envestisman nan enèji pwòp pou benefisyé kominate defavorize yo epi fè pwogrè avanse nan direksyon sib efikasite enèji eta a pou lane 2025 la pou diminye konsomasyon enèji sou sit la pou 185 mil milya BTU (inite tèmik britanik) nan ekonomi enèji itilizasyon final.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)